

HLAHISA MAIKUTLO A HAO

Tjhebotjha ya Molao wa Phumantsho ya Ditjhelete tsa Mmuso ho Mekga ya Dipolotiki e nang le Kemedi wa 103 wa 1997

Kgoeletso ya ho hlahisa Maikutlo

Phumantsho ya ditjhelete ho mekga ya dipolotiki e nang le kemedi makgotleng a ketsamelao a naha le a diprofense e fumantshwa ho ya ka Molao wa Phumantsho ya Ditjhelete tsa Mmuso ho Mekga ya Dipolotiki e nang le Kemedi wa 103 wa 1997.

Ka la 6 Motsheanong 2017 Seema sa Naha se qetile ka hore:

- tshebetso e phethahetseng ya mekga ya dipolotiki e bohlokwa phahamisong ya demokerasi ya molaotheo Afrika Borwa, haholoholo bokgoni ba mekgatlo ena ba ho emela setjhaba; le hore
- mekga ya dipolotiki e hloka thuso e lekaneng ya ditjhelete hore e sebetse mesebetsi ya yona le ho ntlafatsa demokerasi, le hore mokgwa le ponaletso ya phumantsho eo ya ditjhelete di ne di le bohlokwa haholo maemong a ho aha tshepo ya setjhaba ho mokgwatsamaiso wa dipolotiki.

Ka lebaka la tse ka hodimo, Ntlo ya Seema ya Naha e theile Komiti ya Nakwana ho tsa Phumantsho ya Ditjhelete ho Mekga ya Dipolotiki ho batlisisa thuso ya ditjhelete ho mekga ya dipolotiki e nang le kemedi makgotleng a ketsamelao a naha le a diprofense Afrika Borwa. Ho fihlela sena, Komiti e tlameha ho sekaseka mmotlolo wa phumantsho ya ditjhelete ya mmuso le ya poraefete ho mekga ya dipolotiki. Ho tla boela ho sekasekwa tlhokahalo le mekgwa e kgonahalang ya ho laola thuso ya ditjhelete ya poraefete ka mefuta yohle ya yona (ho kenyeletsa mekgatlo ya matsete ya mekga ya dipolotiki). Komiti ena e ka boela ya etsa diphetoho molaong o teng.

Komiti mona e etsa kgoeletso hore setjhaba se hlahise maikutlo kamoo Molao wa Phumantsho ya Ditjhelete tsa Mmuso ho Mekga ya Dipolotiki e nang le Kemedi wa 103 wa 1997 o ka matlafatswang kateng ho lokisetsa ponaletso e kholwanyana ka mokgwa oo mekga ya dipolotiki e fumantshwang ditjhelete ho netefetsa tshebetso ya yona e phethahetseng. Se thahasellwang haholo ke mmotlolo wa phumantsho ya ditjhelete tsa mmuso kapa tsa poraefete bakeng sa mekga ya dipolotiki, le ho lakatseha le mekgwa e kgonahalang ya ho laola mefuta yohle ya phumantsho ya ditjhelete tsa poraefete hammoho le tsa mekgatlo ya matsete ya mekga ya dipolotiki.

Ditlhahiso tse ngotsweng – tse kenyeletsang temoso ya thahasello ya hao ya ho etsa ditlhahiso ka molomo pitsong ya setjhaba ka Phato - di tshwanela ho fihla ho Komiti pele ho hora ya 10h00 ka la 21 Phupu 2017. Komiti e na le tokelo ya ho nka qeto ka mekgatlo/batho bao e tlang ho ba mema ho etsa ditlhahiso ka molomo.

Molao wa Phumantsho ya Ditjhelete tsa Mmuso ho Mekga ya Dipolotiki e nang le Kemedi wa 103 wa 1997 hammoho le melawana ya ona e a fumaneha ho www.parliament.gov.za mme o ka boela wa kopjwa ho Mongodi wa Komiti (dintlha ka botlalo ka tlase).

Dipotso le ditlhahiso tse ngotsweng di tlameha ho lebiswa ho Cindy Balie, Mongodi wa Komiti: Komiti ya Nakwana ho tsa Phumantsho ya Ditjhelete ho Mekga ya Dipolotiki, 3rd Floor, 90 Plein Street, Cape Town 8000, kapa cbalie@parliament.gov.za, kapa fekse: 086 665 5444. Komiti e ka boela ya letsetswa ho 021 403 3667 kapa ho 083 709 8444.

E hlahisitswe ke Modulasetulo wa Komiti ya Nakwana ho tsa Phumantsho ya Ditjhelete ho Mekga ya Dipolotiki, Mong VG Smith, MP.

